

Moix Aen Yienh Hocouh Cungj Baenz Aen Yienh Guhyiengh Minzcuz Doxgiet Baenaj Swcigih Liux

贺州实现自治区民族团结进步示范县域全覆盖

12 nyied 18 hauh, gih raeuz yaenqfat 《Aen Gietdingh Gvendaengz Dingh Coh Buek Daihroek Aen Gih Aen Danhvei Guhyiengh Minzcuz Doxgiet Baenaj Swcigih》, Hocouh Si Cunghsanh Yen、Cauhbingz Yen daengj 15 aen danhvei hwnjbuengj. Yiengh le, moix aen yienh Hocouh cungj aeu ndaej gij mingzdaeuz aen yienh guhyiengh minzcuz doxgiet baenaj swcigih.

Geij bi neix, Hocouh si gaenxmaenx cauhaeb

guhyiengh, cugbouh guh baenz aen daihbuenz aeu diemj lienzi sienq、aeu sienq lienzi benq、aeu benq daiq mienh. Bi 2022, Hocouh ndaej bingzguh “aen si guhyiengh minzcuz doxgiet baenaj daengx guek”. Daengz seizneix, daengx si miz 61 aen cizdij guhyiengh、101 vunz guhyiengh minzcuz doxgiet baenaj, aen gih aen danhvei guhyiengh minzcuz doxgiet baenaj guekgya gaep miz 4 aen, swcigih gaep miz 46 aen.

Baezlaeng, Hocouh Si yaek aeu couqmaenh gij eijsik caezcaemh Cunghvaz Minzcuz bae guh hong gak gaiq, laebdaeb gungganq ok buek denjhingz ndaej guhmoq、doigvangq、souh ndaej gaujniemh ndeu. Caiq dwk ok aen binjbaiz cauhaeb Hocouh “yungzyungz doxcoi caezsim cuk loqsiengj”, ok rengz Hocouh bae doidoengh Gvangjsih laebdaeb guh minzcuz doxgiet baenaj byaij youq daengx guek baihnaj.

(Lij Cizbuj/李积埔)



▲Hekyouz angq daem ceiz.

Yienghndei Sanhgyangh Yinx Hek Daeuj

三江多彩风情引客来

12 nyied 23 hauh, Liujcouh Si Sanhgyangh Duncuz Swciyen Dunczloz Myauzcuz Yangh Cizdonz Cunh Mbanjswbu guh hozdung yezyej. Gyoengqde aeu guh youzczaz、daem ceiz、dohyeh、laeujbakranz daengj langhbaij yienghndei Sanhgyangh, yinx le haujlai boux hekyouz bae ngonzyawj guhcaemz. Geij bi neix, Sanhgyangh haenqrengz haivat gijndei vwnzva minzcuz, gaenxmaenx gungganq mbanj minzcuz、nungzcangh guhcaemz、swnghdai ciengxndang daengj, doidoengh nungzyez vwnzva lijyouz haeujlaeg yungzhab hwngfat, caenhrengz uet rongh aen baizgim lijyouz “cienbi Mbanjdung loq heux Sanhgyangh”, roengzrengz gyavaiq hwnqguh aen Sanhgyangh baenzyouq baenz guhhong ndaej lijyouz youh huzndei moqsak ndeu.

(Gungh Bujangh/龚普康)

Lozcwngz:Yungh Ndei Nyaqqanj

Baujhoh Vanzging Bang Demsou

罗城:甘蔗桔杆利用促环保增收

12 nyied 23 hauh, youq aen cangj gyagoeng nyaqqanj Hozciz Si Lozcwngz Mulaujcz Swciyen Siujcangzanh Cin Mbanjsoujsan, bouxguh hong nyaengq gyagoeng nyaqqanj gooij, guh baenz gij-gueng、gijbwnh daengj. Mboengq-neix, Lozcwngz hai gauj bi 2023/2024 cungj oij guh dangz. Bouxndaem’oij gak dieg cagaenj

raemj oij, caiq gai yotoij mbawoij hawj aen cangj bae guh gijgueng gijbwnh. Neix couh bienq huqrwix baenz bauj, doidoengh nungzyez saekheu hwngfat, saedyienh yauq-ik ginghei caeuq yauqik baujhoh vanzging “song hingz”.

(Liu Gvanghfuz/廖光福)

Veiz Yuzdai/韦如代)



▲Bouxguh hong duk ndei dap ndei nyaqqanj.



Ranzguhnaz Cinzdangz Gih Nyaengq Lab Noh

覃塘区农家制作腊味忙

Bonj bauq siusik (gicej Vangz Yinz) 12 nyied 19 hauh, youq aen ranzguhnaz Gveigangj Si Cinzdangz Gih, vunzmbanj nyaengq langh nohlab bongqlab. Mboengqneix, mbwn nit lo, lajmbanj dieg de caemh haeuj mwh

nyaengq iep、langh nohlab bongqlab. Gyoengqde cawjdaeuz aeu gij nohmou diegde ma guh, couh dwg aeu vaceu、hing ndip、gyu daengj liuh bae iep. Deq gij nohlab bongqlab langh hawq le, couh aeu bae haw gai lo.

◀ Vunzmbanj langh bongqlab.